



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Polycarpvs Ep. M. 26. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

dies IESVM & MARIAM sonare, flores Crucis dare, hanc osculis fatigare; ut post tot amores manifestus iterum IESVS HENRICI nomen in AMANDI mutarit, & MARIA (cujus solo nomine in fugam orcum dabat) humana nauseanti caelestem liquorē propinarit. Ceterum (mecum mirare) hucusque in primo gradu virtutis consistere AMANDVM suum Christus docuit, & Seraphinum alatum in cruce suā indutus docuit per adversa non ire, sed volare in cælum. Abhinc scortator, sacrorum fur, impostor, veneficus audiit, AMANDVS, ut succumbere potuisset, nisi IESVS & MARIA Angelique colloquiis suis identidem firmassent. His succollantibus in cælos evasit, anno M.CCC.LXV. qui sequi volunt, legant scandantque *Rupes*, quas scripsit. Ex *Ann. Ordin. Præd.*

S. POLYCARPVS EP. M.

26. Ianuarii.

Antistes Smyrnensibus POLYCARPVS à Divo Ioanne Apostolo datus est, eâ apud omnes fuisse auctoritate memoratur, ut subinde sperare ausi sint Iudæi, Christianos, misso Christo, POLYCARPVM secuturos. Libertate quàm Christianâ in dicendo fuerit, argumento sit ejus cum Marcione hæretico congressus, qui cum ad conspectum suum

suum exhorrescere Divum videret, audaciâ linguam armante, *Nosce nos*, ait, *amabo*. At POLYCARPVS, vultu ad severitatem composito, id tantum respondit, *Novi equidem primogenitum Sathana*. Ceterum Romæ cum degeret, divinitus de morte suâ edoctus, lictoribus obviam progreditur. Sub pugnae initium voce è cælo animatur, jamque Christo malè jussus dicere: qui, inquit, malè illi possû dicere, qui ipsos LXXX. annos famulanti sibi mali nil fecit unquam? Ergo ad rogum damnatur. Sed virtutem ipse absolvit ignis, dum tangere veritus fructâ velut è flammis porricu ambit innocentem, nec jam lædit, sed regit, suavissimum interim in adstantes odorem ejaculatus. Ad extremum gladio confusus sanguine ignem extinxit, nobili nimbo, & quem vel suis imbribus cælû præfert. *Ex Sur.*

S. IOANNES CHRYSOST. E.

27. Januarii.

CHRYSOSTOMVM laudibus suis cingat alter Chrysostomus; nos umbram damus. Nondum Pontifex Byzantinus erat IOANNES, cum in ejus conspectum se dedit Apostolorum Princeps D. Ioanne Evang. comite, & sanctioris potestatis ac magisterii indices claves illi ac librum obtulit. Et verò quid mirum, si hoc Doctore etiamnum

E orbis